

cem petunt, ipsam veritatem confodunt, & inter manus veluti strangulant.

Status controversiae formatio.

§. CCXI.—Deinde, cum disputatio thesin & antithesin inter se comparet, & quidem contradictorie oppositas: (§. CCIX.) consequens est, II. ut RESPONDENTIS sit, thesin proponere, quae examini subjicienda sit, OPPONENTIUM autem, eidem opporre antithesin contradictoriam. III. Ut, si quid obscuritatis insit thesi, ea a respondentे alterius rogatu explicanda, & ne in λογοταξίᾳ incident disputantes, ambiguitas hoc modo candide tollenda sit. IV. Ut opponentis sit, non modo thesin indicare, quam impugnare decreverit, sed & si paullo prolixior illa videatur, accurate definire, quid in illa impugnare velit. Et haec est illa STATUS QUAESTIONIS FORMATIO, quae primam disputationis partem merito constituit (*).

Ea quomo-
do fiat?

§. CCXII.—Status quaestionis ita formatur, ut distincte ostendat opposens, de quibus propositionibus non futura controversia, & quae demum illa sit, de qua quaestio inter disputantes agitanda sit in posterum (†).

Quale argu-
mentum op-
ponendum?

§. CCXIII.—Jam, quum porro disputatio sit comparatio, theseos & antitheseos accurata, & per justas ratiocinationes facta: (§. CCIX.) consequens est, V. ut jam opponentis officium sit, thesin respondentis tali

(*) Sine ea nihil fructuosum e disputatione expectandum. Semper enim disputantes a chorda aberrabunt, & alterius eorum, ubi alia via evadere non potest, dilabetur ad id, de quo non est quaestio. Sane, quod in lite forensi bene instructa est *litis contestatio specialis*, seu responsio ad partes libelli singulas categoricas; id in disputatione est *status quaestionis*, seu *controversiae formatio*. Ex utraque enim, qua de re disputatio sit futura, statim eluet.

(†) E. g. fingamus, thesin a respondentе propositam: *pignus est contractus re initus, bonae fidei, quo res a debitorе creditori in securitatem crediti traditur, soluto debito in specie restituenda*. Una quidem haec thesis est, quippe definitio: sed plures alias propositiones complexa. Quamobrem, qui eam impugnaturus est, ostendere debet, de quibus propositionibus non futura sit controversia, & quam in specie ipse sub incudem revocaturus sit, e. g. se I. non negare, *pignus esse contractum*, multo minus, II. *eum contractum esse bonae fidei*. Concedere se etiam, III. *pignus tradiri posse*, & IV. si tradatur, *id fieri in securitatem crediti*. Unam superesse quaestionem, de qua jam agendum sit, nempe *an pignus omne sit contractus re initus?* Adfirmari hoc a respondentе in thesi, sibi vero veriorem videri antithesin: *quoddam pignus non esse contractum re initum*. Jam unusquisque videt, hic Rhodus, hic saltandum esse.

syllogismo (*) impugnare, cuius conclusio sit ipsa antithesis in formatione status controversiae proposita (†).

(*) Magis alii commendant methodum Socraticam, quae per quaestiones procedebat. (H. §. XLIX.) Sed praeterquam quod illa jam pridem obsoletiv, & non paucioribus sophistarumabusibus patet, quam methodus hodierna: odium artis syllogisticae redoleat hoc consilium, quum tamē illam non tam ars, quam mentis operatio sit, (§. LXXV.) Et quid, quaequo, interest, sive Socratee queras, sive syllogisticae ratiocineris? Et quum hoc brevius, expeditius, quin & magis perspicue fieri possit, cur non hoc potius faceres? Exemplum cape hanc disputationem de thesi: *mens est spiritus*. Finge, SAPIENTEM interrogare, respondere AUDITOREM. S. An concedes, obsecro, mentem cogitare? A. Quidni, o vir sapientissime. S. An putas, id, quod cogitat, simile esse lapidi, ligno, auro, argento, an aliis cūdam materiae? A. Immo nulla. S. Sed vide, ne erres. Num tu fieri non posse existimas, ut materia quedam cogitet? Mulla efficit materia magnetis, pulveris pyri, phosphori, quae uidem fortassis fieri posse negares, nisi te sensus convincerent. Quid ergo est, cur magis impossibile putes, materiam cogitare, quam magnetem attrahere ferrum, pulverem pyrum saxa rumpere, phosphorum in tenebris lucere? A. Id video, magis impossibile esse, cogitare materiam, quam illa fieri, quae in magnete, pulvere pyro, phosphoro observamus, quamvis, me rationem non videre, fatear. S. Periculum, age, faciamus, an ita rem ad liquidum perducere licet. Quae effecta in materia miramur, an non ex certa dispositione, forma & quantitate materiae explicari posse intelligis? A. Intelligo. S. Nonne ergo magnetem putas attrahere ferrum, quia ejus atmosphaera ferrum ambi, & illud tamquam vorice suo ad magnetem rapit, vel ex alia simili caussa? Nonne manifesto vides, pulveris pyri particulas inflammatas ita se expandere, ut globum cum fragore protundant? Nonne intelligis, phosphori quoque lucem non aliunde, quam ex ejus materiae dispositione, explicari posse? A. Ita videtur. S. An vero censes etiam, materiam disponi posse, ut cogite? Finge in hoc lignum quamquamque quantitatem, figuram, duritatem, molitatem, gravitatem, levitatem, quin qualitatem quamlibet, introduci, an cogitabit unquam? A. Immo nunquam vero. S. Vides itaque, materiam non cogitare? A. Immo video. S. Quid ergo cogitat, si id non agit materia? A. Id quod materia non est, quodque spiritum vocare solet humanum genus. S. Quid ergo superstes, quam ut mentem nostram dicamus spiritum? A. Immo, talē esse mentem, jam non opinari, sed scire mihi video. En disputationem Socraticam. Sed quam paucis syllogismis comprehendendi possunt illae interrogationsculae?

(†) Et hinc pueriles sunt illae conclusiones, ad quas, tamquam ad sacram anchoram, confugiunt opposentes parum exercitati: qui hoc statuit, is male agit, is peccat contra analogiam juris, is absurde sentit, etc. Potius si opposens velit impugnare thesin supra (§. CCXII *), propositam, formato statu controversiae, ita ratiocinabitur:

Qui contractus obligat ex solo consensu, is non est contractus re initus.

Quidam contractus pignoris obligat ex solo consensu,
Quidam ergo contractus pignoris non est contractus re initum.
Hic conclusio ipsam continet antithesin, thesin contradictoriam.

Argumentum adsumendum.

§. CCXIV.—Ex eodem sequitur, ut vi. respondentem jam oporteat opposentis argumentum adsumere vel repetere, (*) quod ut facilius fiat, non decet opponentem condere syllogismos prolixos, & quos vel robustissimus agricola, vix sine laterum dolore recitare possit. Quo breviora sunt tela, eo fortius iis pugnatur cominus.

Ejus forma examinanda.

§. CCXV.—Jam respondens vii. in primis dispicere debet, num forte syllogismi forma vitio quodam laboret, quamvis disputantes ea in re hodie plerumque sint negligentissimi. Et tamen neglecto formae vitio ad materiam respondere velle, est laterem lavare, & magno conatu maximas nugas agere (†).

Quae proposicio neganda?

§. CCXVI.—Ubi nihil in forma vitii haeret, in alterutra praemissarum latitabit aliquid, quod falsum sit, si falsus est opposentis syllogismus. Et hic viii. respondens negare debebit eam propositionem, vel, si nondum, quo tendat opposens, intelligit, ejus probationem exigere.

Quomodo ea ab oppONENTE probanda?

§. CCXVII.—Hic vero jam in vagam declamationem exspatiari solet opposens, vel plerumque idem per idem μετὰ τοιγῆς φαντασίης probare nititur. Sed male agit respondens, si in ea re adquiescat. Potius jure quodam suo urgebit, ix. ut opposens propositionem negatam formaliter probet (‡).

(*) Quod non ostendande memoriae caussa repertum, sed ut adpareat, respondentem opposentis argumentum satis intellexisse. Et sane, qui id intellexit, is admundum infans esset, nisi illud vel iisdem, vel aliis verbis idem significantibus posset repetere.

(†) Multis exemplis solide id demonstravit philosophus accusatus, CORNEL. MARTINI *Analys. logic. Part. I. Cap. V. seqq.* Hinc veteres male solverunt argumentum MELISSI: si ens generatur, habet principium. Sed non generatur, non ergo habet principium. Qum enim respondere debuissent ad formam, ex regulis supra propositis: (§. LXXXVIII, 3) ipsi in materia frustra haeserunt.

(‡) E. g. in syllogismo supra (§. CCXIII.) proposito neganda esset minor. Jam male ageret opposens, si loco probationis in locum communem excurreret, & prolixe doceret, promissa omnia jure naturae esse servanda, distinctionem inter contractus reales, verbales, literales, consensuales, ad subtilitates juris Romani pertinere, idque a viris doctis jam pridem esse demonstratum. Rectius minorem suam ita breviter probabit: in quo contractu ex solo promisso actio datur ad rem tradendam, in eo obligatio ex solo consensu nascitur. In quedam contractu pignoris actio ex solo promisso datur ad rem tradendam. Quidam ergo contractus pignoris ex solo consensu nascetur,

§. CCXVIII.—Si ne sic quidem in prosyllogismo An probatio & quoisque omnia recte se habent: vel x. vitium statim indicandum, vel xi. nova probatio alterutrius praemissae exigenda, idque xii. tamdiu faciendum erit, donec jam ad fundamentum perveneris, quod opposens sententiae sua substravit (*).

§. CCXIX.—Ubi fundamentum opposentis per probationes ejus in aprico est: jam ad respondentem res reddit, cuius jam officium erit, xiii. argumentum solvere, & propositionem aliquam sive in prosyllogismis (†), sive in argumento primario negare.

§. CCXX.—Respondendum autem formaliter, id que fit vel xiv. per CONCESSIONEM, si jam adaptaret, opposentis argumentum non esse contra thesin, vel xv. per INSTANTIAM, si adducto casu contrario ostenditur, propositionem aliquam non esse universaliter veram (‡), vel xvi. per INVERSIONEM, si ostenditur, ex illa propositione plane thesin suam fluere (||), vel xvii. per DISTINCTIONEM & limitatio-

nem.

Ad quid respondendum?

Quomodo respondeatur per concessionem, instantiam, inversionem?

(*) Sic in praecedente prosyllogismo (§. CCXVII.) respondens minorem denuo jure negabit. Et hinc opposens eam probabit, e. g. ex L. 1. pr. §. 1. D. de pignorat. act. Et inde argumentabitur: i. Si pignus contrahitur nuda conventione circa traditionem, actio dabitur ex solo promisso ad rem tradendam. At contrahitur nuda conventione circa traditionem per L. 1. pr. D. de pignorat. act. Actio ergo tunc dabitur ex solo promisso. ii. Si qui aurum ostendens aes creditoris dedit, ad aurum tradendum conveniri potest, sequitur, ut ex solo promisso circa traditionem nascatur actio illa pignoralitia. At prius verum est per L. 1. §. 1. D. eod. Ergo & posterior. Ita sane jam perventum eo, ut respondens totum opposentis fundamentum perspicue intelligat, adeoque nihil superst, quam ut responsione sua argumentum solvat.

(†) Prosyllogismi enim continent fundamenta, quibus opposentis argumentum innititur. (§. CCXVIII.) Subratis fundamentis, omne, quod iis superstructum, corruat, necesse est.

(‡) E. g. si opposens usus esset argumento inepto: nullus contractus realis est bonae fidei. Contractus pignoris est bonae fidei, (per definitionem). Nullus ergo contractus pignoris est realis: res ipsa docet, respondendum esse, negando maiorem, eam enim non esse universalem. Facile id doceri posse per instantiam. Commodatum enim & depositum esse contractus reales, & tamen bona fidei. Ita inter omnes constare, contractus immunitos re iniri. Et tamen b. f. esse permutationem & contractum aestimatorum, §. 28. Inst. de act. L. 2. D. de permut.

(||) Finge hoc argumentum usum opposentem: quod leges ipsae contractibus consensualibus accensent, id ad contractus consensualles omnino referendum est. Pignus leges contractibus consensual-

Quomodo di-
stinguendo &
limitando?

Nec respon-
dendum va-
ga declama-
tione, vel pro-
batione the-
seos.

Replicatio
opponentis.

Quomodo id
fiat, si res-
ponsum con-
cedendo, vel
per instan-
tiam?

§. CCXXI.—Ubi distinctione uititur respondens, xviii. ea breviter explicanda, adplicandaque erit, eoque facto limitandum ex ea argumentum, quod ista distinctione infringere cupit (*).

§. CCXXII.—Nihil ergo agunt respondentes, qui non uno horum modorum respondendi utuntur, sed vel vaga declamatione satisfacere conantur opponenti, vel loco responsionis in probationem theseos suae excurrunt. Quare quemadmodum illi oponentem, extra oleas vagantem, & sermoni vago laxantem habenas, suo jure monere possunt, ut formaliter opponat: ita & ipsi declamatuti recte urguntur, ut respondeant formaliter (†).

§. CCXXIII.—Et huc usque alter disputandi actus pertingit. Jam in tertio xix. opposens replicat, si quid habet, quo respondentis solutionem infringere possit.

§. CCXXIV.—Et quidem xx. si respondens totum argumentum concessit, ostendendum erit, argumentum omnino vel mediate, vel immediate, thesi contradicere. Sin xxi. per instantiam responsum: probandum erit, vel casus in contrarium adductos ad propositionem suam non pertinere, vel loco instantiae ipsum τὸ ξεινὸν σι- bi obtrudi.

libus accenserit, (*L. i. pr. D. de pignorat.*) Est ergo pignus ad contractus consensuales referendum. Responderi poterit per inversionem vel retorsionem: quod leges ipsae contractibus realibus accenserint: id ad contractus reales referendum est. Pignus leges ipsae contractibus realibus accenserint, (*s. iv. Inst. quib. mod. re contr. obl.*) Est ergo ad contractus reales referendum.

(*) Sic e. g. ad minorem prosyllogismi primi (§. CCXVIII.) respondendum erit distinguendo inter pignus, latius & stricte acceptum. Late acceptum significat omne jus, creditori in re debitoris constitutum, adeoque & hypothecam comprehendit, quae a pignore hoc sensu tantum nominis sensu differre dicitur, *L. 5. s. i. D. de pign.* At stricte pignus est, jus in re, ab hypotheca diversum, & quod per traditionem demum nascitur, *L. 238. s. ii. D. de verb. sign.* Jam verum quidem est, pignus priore sensu etiam contrahi nuda conventione, puta per pactum hypothecae. At posteriori sensu qui hic obtinet, nuda conventione non sufficit, sed requiritur traditio. Hic limitandus erit opponentis prosyllogismus: Si pignus (stricte dictum, quatenus hypothecae opponitur,) nuda conventione citra traditionem constitutur, actio dabitur ex solo promisso. At pignus (stricte dictum, & quatenus hypothecae opponitur,) nuda conventione constituitur. Sic nego minorem.

(†) Unde omnino utiles sunt opponentis interrogations: ad quam propositionem respondes? Concedisne illam, an negas? an distinguis? cetera.

§. CCXXV.—Similiter, si per inversionem responsum xxii. opponentis erit ostendere, ex propositione sua thesin respondentis minime fluere. Ac denique xxiii. si ille distinctione usus fuerit, probare, vel fundamento destitui illam distinctionem, vel eam argumento suo applicari non posse.

§. CCXXVI.—Replicationem hanc jam xxiv iterum formaliter solvit respondens, idque xxv. tamdiu, fit donec alteruter, quod cum ratione (*) obvertat, non habeat.

§. CCXXVII.—Ubi haec leges disputandi utrumque accurate observantur, fieri profecto non potest, quin vel opposens demum in probatione deficiat, vel respondentis ad concedenda contradictoria, vel absurdia etiam, invitū adiungatur (†). Quo facto, non amplius obscurum erit, ex ultra parte stet veritas.

§. CCXXVIII.—De PRAESIDIS officio nihil adhuc diximus. Est enim haec persona accessoria, cuius officium est, feroce juvenes, & extra orbitam evagantes, in viam revocare. Oportet ergo illum virum accurate doctum ac prudentem esse. Si talis non est, frustra illi praescribentur regulae, quas, si vel maxime vellet, observare non posset.

§. CCXXIX.—Et haec ipsa est vera METHODUS ANALYTICA, cui in dijudicanda veritate locum esse diximus (§. CLXII. *) Est enim illa meditatio, qua conclusiones ad sua principia, vel phaenomena ad suas hypotheses, tamquam ad Lydium lapidem, examinamus,

(*) Cum ratione, dico. Nam qui φιλονικία studio disputant, semper habere se simulant, quod obverti possit, quamvis auditores, neutrarum partium, facile animadventant, utri disputantium aqua haereat, vel uter plane ad incitas redactus sit.

(†) Exempla insignia praehent colloquia bina, unum *Ratisbonense* inter Hungerum, Tannerum, Greiserum ex una: & Hunnum ejusque socios ex altera parte habitum: alterum Hemelschenburgense inter theologum incomparabilem, Ge. Calixtum & Jesuitam Hildesensem institutum. In priore enim Jesuitae eo adacti sunt, ut implicarent se contradictoriis: pontifex summus, quando ex cathedra definiendo sententiam fert, numquam potest errare, &: summus pontifex aliquando, ex cathedra definiendo sententiam ferens, erravit. Item: Caiphas fuit summus pontifex illius anni, quo Christum condemnavit, &: Caiphas illius anni pontifex summus non fuit. Vid. CORN. MARTIN. Analys. log. Part. II. Cap. III. p. 239, seqq. In posteriore Calixtum formaliter opponendo ita in angustias redegit Jesuitam, ut contraria simul vera esse, non obscure praeseferret.

Quomodo, si
per invasio-
nem, vel di-
stinctionem?

Duplicatio
respondentis.

Unde de e-
ventu dispu-
tationis judi-
candum?

Cur de prea-
sidis officio
nihil dictum?

Methodus a-
nalytica.

Qualis sit
analysis de-
monstratio-
nis?

§. CCXXX.—Ergo quod ad demonstrationem dijudicandam attinet, in eo vertitur tota analysis, ut propositiones in sua subjecta & praedicata solvamus, ratiocinationes secundum formam & materiam; definitio-nes secundum sessiones, sessiones per experientiam examinemus. Ita enim facile adparebit, an tota demonstrationis series se recte habeat, & si male demonstratum, in qua parte istius catenae latitet vitium.

Analysis hy-
potheses.

CCXXXI.—Eodem modo, in dijudicanda veritate probabili, dispiciendum erit, primum an omnia phænomena adducta sint, deinde an illa omnia ex hypothesi data commode possint explicari, ac denique, an non alia in promptu sit hypothesis commodior, ex qua illa phænomena minore negotio fluere videantur?

SECT. IV.

De ratione, veritatem perspicue proponendi.

Connexio.

§. CCXXXII. **D**E NIQUE eum quoque fructum nos ex logica capere oportet, ut veritatem inventam cum aliis eo ordine eaque methodo communicemus, ut hi de ea se convictos esse fateantur. (§. CLX.)

Quibus mo-
dis veritas
cum aliis
communice-
tur?

§. CCXXXIII.—Id fit vel DOCENDO viva voce, vel SCRIBENDO. Utrumque pulerum, et viro sa-piente dignum est. Sed, qui ipsi nondum veritatem adsequuti sunt, nec quomodo cum suis principiis connectenda sit, perspicerunt, ii rectius sibi aliquis con-sulerent, si illi docendi scribendique pruritum tantisper cohiberent, dum aetas, diuturna meditatio, & usus, cruda studia ad justam maturitatem provexit.

Docentium
officium.

§. CCXXXIV.—DOCENTIBUS duo potissimum incumbunt, i. ut auditoribus non solum doctrinas suas, sed & earum nexus inter se prespicue ob oculos po-nant, ii. ut eosdem de illarum veritate ita convincant, ne de iis cum ratione dubitare possint.

Quomodo
doctrinæ
perspicue
proponenda?

§. CCXXXV.—Quum itaque doctrinæ perspicue sint explicanda: (§. CCXXXIV.) id commodissime ob-tinebit docens, si i. accuratas rerum definitiones dede-rit, et quo pacto per illas res ab aliis discernendæ sint,

ostenderit, ii. si vocabula *texuña* accurate explicaverit, (*), & iii. quaequamque tradit, exemplis aptissimis, ju-cundis & perspicuis illustrarit, denique, iv. an auditores omnia satis percepient, data occasione, instituto examine, explorarit.

§. CCXXXVI.—Ex eo perspicue adparet, v. male docere, qui dictando in calamus auditores defatigant, qui vi. ad singulas doctrinas totas auctorum turmas conscribunt (†), quorum vix nomina recte excipiunt tirones, tantum abest, ut eos evolvere, vel illorum pla-cita dijudicare possint, qui denique vii. variis digressio-nibus, doctis illis quidem, at parum ad rem facientibus, auditorum animos demulcent, & ita corvos deludunt hiantes.

Quae per-
picuitatem
hanc impe-
diant?

§. CCXXXVII.—Quumque earum doctrinarum nexus a docentibus perspicue sit ostendendus: (§. ccxxxiv.) consequens est, viii. ut tale eligendum sit compendium, in quo doctrinae omnes, positionibus brevissimis com-prehensae ad sua principia revocantur. ix. Ut semper inculcandum sit auditoribus, quomodo singulae doctri-nae vel cum axiome, vel cum definitione cohaereant. x. Ut danda docenti sit opera, ne ex diversis principiis doceat (‡).

Quomodo
doctrinarum
nexus osten-
di possit?

(*) Quum enim haec vocabula auditoribus plerumque incog-nita sint, & hinc vel maxime confusio oriatur, si ea alteri, ac doc-ens velit, accipiant; omnino docens erit, eam confusionem pro-virili evitare. Hoc plerosque docentes fugit, aut ii saltim infra dignitatem suam fore putant, si in his minimis versentur. Sed minima putanda non sunt, sine quibus majora non constant. Non puduit magnos theologos, fateri, *theologiam magna ex parte esse grammaticam*: & quo quaequo cum fructu docebit JCtus, nisi vo-cabula artis, e. g. *satisfatio*, *constitutum*, *usufructus*, *usus*, *habi-tatio*, *moram purgare*, & sexcenta alia tironibus cum cura expli-carit?

(†) Quamvis proiectioribus haud parum utilitatis adferat optimorum librorum notitia: dici tamen non potest, quantum de-trimenti tirones sentiant ex hoc testes citandi cacoethie. Ita enim fit, i. ut auditores rem ipsam non teneant, sed ii. se satis tamen eru-ditos existiment, si tantam sibi scriptorum notitiam adquisiverint. Praeterea m. saepe hi scriptores pugnantia tradunt, adeoque iv. tiro, disciplinae ipsius ignarus, centones consuere, omniaque si-ne judicio corraderé paullatim adsuescat. Denique v. ita non ipsae disciplinae docentur, sed historia literaria, quae sane omnem eruditio-nis ambitum non absolvit. Sed tale est saeculum, ut & maxime rudes his phaleris superbiant, & hoc apparatu, aliis sublecto, magnum dent strepitum.

(‡) Hoc iis contingere solet, qui, ubi se preelectionibus pree-

Quomodo auditores convincendi?

§. CCXXXVIII.—Quia porro docentis est, auditores doctrinarum suarum veritatem convincere: (§. ccxxxiv.) per se patet, xi. docentem non auctoritate (*), sed rationibus niti, adeoque xii. doctrinas, quas inculcat, aut accurate demonstrare, aut, xiii. si in probabili veritate versetur, eam ex hypothesi perspicua explicare debere.

An & alio-
rum senten-
tiae refelle-
dae?

§. CCXXXIX.—Si quis ex me quaereret, xiv. an docens aliorum dissentientium sententias examinare debeat? distinguarem ego inter *tirones* & *proiectiores*. Illos controversiis difficilioribus fatigare absonum est. His scrupuli etiam, ab aliis injecti, omnino eximendi sunt. Id quod fiet cum fructu auditorum, si primum sententiam dissentientium candide exposueris, deinde eorum argumenta recensueris sine fuso, ac demum ea ex principiis tuis (†) perspicue solveris.

Virtutes do-
centis.

§. CCXL.—Ceterum ipse docentis finis suadet, xv. omnem adhibendam esse fidem. xvi. vitandam prolixitatem nimiam, xvii. auditores, qui scrupulos sibi eximi petunt, amanter esse audiendos, xviii. eosdem a voluptate & petulantia, quantum fieri potest, ad virtutem revocandos.

An & nova-
turire docen-
tem deceat?

§. CCXLI.—Sunt, qui & saeculo serviendum, & nova quam maxime docenda esse suadent (‡). Sed quemad-

parant, modo hoc, modo illud sistema evolvunt, suaque arva ex his lacunis irrigant, parum solliciti, eademne sint illorum auctorum principia, an diversa & pugnantia.

(*) Dubitari quidem non potest, quin quedam disciplinae auctoribus nitantur, veluti *historia*: sed non desunt sexcenta compendia, in quibus illae jam adductae sunt. Itaque historia ipsa docenda, & sicubi auctores coaevi vel recentiores in circumstantiis discrepant, in veritatem secundum fundamenta probabilitatis historicae (§. CXXXIV. seqq.) inquirendum. De citatio- ne legum in docenda jurisprudentia sententiam nostram aperiuimus in *praefatione Elementorum juris secundum ord. Pandect.*

(†) Ex tuis dico. Est enim hoc argumentum veritatis exsum, si non modo tuae doctrinae firmissimo nexu cohaerent, sed & aliorum dubia ex iis dextre solvuntur. Qui in arithmeticā arte periculum faciunt, an recte substraxerint, illi id per additionem explorant. Qui, an bene multiplicarint, scire cupiunt, divisione utiuntur. Ita veritatis signum luculentum est, si falsitas inde refelli potest perspicue.

(‡) Est hoc aucupium, quo novelli doctores juvenes alliciunt, similes illis rhetoribus apud PETRON. in *Satyr.* qui jam pridem eorum arcana evulgavit: *adolescens, quoniam sermonem habes non publici saporis, & quod rarissimum est, amas bonam mentem: non fraudabo te arte secreta. Nimurum in his exercitationibus doctores peccant, qui necesse habent, cum insipientibus furere. Nam*

modum non semper antiqua novis praferenda: ita nec nova semper antiquis meliora sunt. Quum ergo vitae, non scholae, discendum sit: consequens est xix. ut nihil innovandum sit, ubi id veritatis studium non exigit. xx. Ut nec innovandum aliquid temere, ubi ex nova doctrina non major, quam ex vetere, utilitas adfulget, multo minus, xxi. ubi non sperandum, novam doctrinam in praxi aliquid emolumenti esse adlaturam.

§. CCXLII.—Id quod tamen non in eam partem accipiendum est, ac si inveteratos errores indicare & resellere, nefas esset: sed quod omnia sine necessitate innovantes promiscue, parum consulant dissentibus.

§. CCXLIII.—Multum docendi onus sublevabunt xxii. ordo non interruptus, xxiii. eloquentia nativa, a loquacitate probe discernenda, & xxv. stilus perspicuus, amoenus, & philosophicus magis, quam declamatorius (*).

§. CCXLIV.—Haec generalia docendi praecepta sunt. Quae speciatim in singulis disciplinis observari oporteat, eos, qui ipsi eam disciplinam probe didicunt, facile docebit usus & illa judicandi facultas, quae in doctore primum, secundum, ultimum est.

§. CCXLV.—De SCRIBENDIS libris praecepta plurima accumulare supervacuum fore, partim, quia methodus arbitraria est, partim quia singulae fere disciplinae aliquid singulare habent. Quum itaque ad specialia descendere infiniti res laboris esset: generalia tantum consectabimus.

§. CCXLVI.—Qui aliquid, quod ad veritatis cognitionem pertinet, scribunt, ii. aut HISTORICE quid referunt; aut DISCIPLINAM ejusque partem proponunt, aut aliquid EXPLICANT, aut denique aliorum ERRORES REFUTARE conantur (†).

nisi dixerint, quae adolescentuli probent, ut ait Cicero, soli in scholis relinquuntur. Sicuti facti adulatores, cum coenas ditium captant, nihil prius meditantes, quam quod putant gratissimum auditoribus fore, (nec enim aliter impetrabunt, quod petunt, nisi quasdam insidias auribus fecerint,) sic magister, nisi tanquam pescator eam imposuerit hamis escam, quam scierit appetituros esse pisculos, sine spe praedae moratur in scopulo.

(*) Quia enim diversi sunt docentium & declamantium fines, illique audientes convincere; hi vel aliquid persuadere, vel eloquentiae famam captare, vel denique auditorum oblectare cupiunt: nihil minus docentes decet, quam concionari, declamare & aures magis demulcere, quam intellectum instituere.

(†) Hinc non curamus hic libellos satyricos, poemata, como-

An antiquos
errores defen-
dere?

Dotes docen-
tis.

Cur a singu-
las discipli-
nas descen-
dere non li-
ceat?

Libros scri-
bendi prae-
cepta trade-
re difficile.

Praecipua
scriptionum
genera.

Bona M.
sobria
modestia
integritas
disciplina
sinceritas

Historia quo-
tupliciter
scribi possit

§. CCXLVII.—HISTORIAS qui scribunt, eas vel ad certa *summa capita* referunt, vel totam ejus seriem *ordine chronologico* connectunt. Posterius & utilius, & ordini naturali convenientius esse, unusquisque videt, maxime quum ita facilis consiliorum & eventuum nexus in oculos incurrat, et sic historia vere fiat pragmatica, ac ab illis *χειρολογίαις*, quae vulgus historiorum delectatur, perpurgata. Sed prior methodus eo frequentior, quo pauciores historici in chronologica arte ultra SCHRADERI *tabellas* sapiunt.

Regulae in
scribenda hi-
storia obser-
vandae.

§. CCXLVIII.—Nihil vero ab historici officio alienius est, quam fingere, quae nemo memoriae prodidit, judicia interponere, personarum characteres magis ex suo ingenio, quam secundum rei veritatem, inserere, orationes nunquam habitas comminisci, affectus moveare, res denique mediocres exaggerare pro lubitu. Sunt scilicet hae egregiae artes, quibus VARILLASIUS, MAIMBURGIUS & alii hujus furfuri scriptores ludibrio humani generis se exposuerunt (*).

Quomodo ve-
ritates certae
proponendae
dogmaticae?

§. CCXLIX.—Qui vel DISCIPLINAM vel ejus partem, veluti doctrinam aliquam specialem, vel veritatem demonstrabilem, proponere cupiunt, quam optimo procedent, si excorsi a principiis, iisque probe munitis, ad conclusiones eo ordine progredientur, ut posteriora ex prioribus & lucem & robur accipiant. Unde reliquis omnibus praefienda *methodus mathematica*, vel quae ad illam quam proxime accedit (†).

Quomodo ve-
ritates proba-
biles?

§. CCL.—Si veritates probabiles fuerint proponendae, recte initium capies ab historia phaenomenorum, iisque recensitis, addes aliorum hypotheses, ac his denique expensis, indicatisque, quae illas premunt, difficultibus, tuam propones, eamque phaenomenis omnibus satisfacere, ostendes.

Methodi
scholastica,
caussarum,
erotematica,
miscella.

§. CCLI.—Non ergo elegantioribus placere poterunt methodi, quibus olim magnopere delectabantur homines, veluti SCHOLASTICA, quae *syllogistice* &

dias, tragoealias, fabulas Romanenses, & hujus generis alia, quorum praecepta alibi quaerenda.

(*) Conferenda hic omnino, quae de stilo historicō commentati sumus in *Fundamentis stili cultioris*, Part. I. Cap. II. §. LVII.

(†) Nec tamen opus est, ut semper more mathematicorum singulas propositiones suis nominibus adpelles, nisi id tua sponte facere velis. Sufficit, si ipsum ordinem, quantum licet, accurate observes.

formaliter omnia proponit, methodus CAUSSARUM, quam Ramistae potissimum probabant, EROTEMATICA, quae pueris magis & tironibus, quam doctis, prodest, ac denique MISCELLA, quae omnia sine ordine, prout calamum subeunt, effundit (*).

Quomodo
exegetica
scribenda?

§. CCLII.—EXEGETICA ubi tractare accurate volueris, *scopus* textus ex occasione illi scribendo data, & historia, nec non ex antecedentibus & consequentiis accurate eruendus, *textus ipse*, an recte se habeat, secundum regulas critices dispiendium, tum porro in partes suas *solvendus*, partesque singulæ secundum regulas de probabilitate hermeneutica (§. CCXLI. sequ.) *interpretandae*, ac denique *porismata* seu *consectaria*, dogmatica aequa ac elenchitica, inde eruenda erunt.

Quomodo
elenchitica?

§. CCLIII.—Qui denique aliorum scripta refellere conantur, iis primo omnium incumbit, ut, proposita thesi & antithesi, & utriusque ostento discrimine, $\pi\varphi\omega\tau\omega\ \dot{\chi}\varepsilon\bar{v}\delta\zeta$, seu principium illud falsum, quod auctori illusit, profligent (†). Eo enim profligato, conclusiones illi superstructas brevibus stricturis confodere licet, & ostendere, illas vel cum ipso auctoris principio connecti non posse, vel ex $\pi\varphi\omega\tau\omega\ \dot{\chi}\varepsilon\bar{v}\delta\zeta$ fluere, vel aliis veritatibus, ab ipso auctore agnitis, repugnare.

An hoc scri-
bendi genere
utendum?

§. CCLIV.—Ad hujus generis scripta non temere se accingent homines sapientes, & tranquillitatis suae studiosi, nisi vel officii ratio, vel eorum fama, vel veritatis studium id exigat. Nec, si quid hujus generis scribendum, ruent in convicia, scommata, & calumnias, sed veritatem gravi oratione defendant, aliorum scommata, calumnias, aut contemnent, aut solide refutabunt, denique nimium petulant, aut convictos ignorantiae in ruborem dant, aut plus saltem salis, quam fellis, iis adspergunt.

(*) Quid vero de *dialogistica methodo* sentiendum, qua veteres philosophi, Plato, Xenophon, Aeschines, Cicero, mirifice delectabantur? Eam aliquando prudenter adhiberi, jam in *Fundamentis stili cultioris*, Part. II. Cap. III. §. I. monimus.

(†) Illud plerumque latet in definitionibus & axiomatibus inde male deductis, & hinc istae quam accuratissime cum sensibilibus comparanda & expendenda sunt. Quid si auctor non nisi dissolutas vendat? Tunc vero nihil superest, quam ut rationationes illius secundum regulas logicas examinemus, earumque absurditatem in lucem protrahamus.

Quo stilo
scribendum?
 §. CCLV.—In omnibus his scriptis qualem stilum adhiberi oporteat, alibi docuimus (*). Jam addimus, textum ineptis & minus necessariis auctorum citationibus non esse interrumpendum, digressiones, ad rem non pertinentes, quam maxime fugiendas, adeoque nec sectandum genus scribendi per aphorismos, quorum vocabulis singulis magna adnotationum farrago subjicitur, quamvis haec in compendiis scribendis laudem mereantur, si talia sint scholia, qualia illa esse oportere, supra monuimus. (§. LXIV.)

Conclusio lo-
gices.
 §. CCLVI.—Et haec quidem in praesenti sufficient. Pauca sunt quae diximus: at quae pro saeculi genio plerisque jam nimis multa videbuntur. Nobis hanc operam navare visum est disciplinae pulcherrimae, quam neglectum sui per omnem vitam severissime vindicare, res ipsa docet, & magistra rerum, experientia.

ΑΛΗΘΕΤΙΝ ΕΝ ΑΓΑΠΗΝ.

(*) Conferenda & hic *Fundamenta stili cultioris, Part. I. Cap. II. §. LVI.*



MENORUM INDEX LOGICES.



PAG.	LIN.	DICITUR.	LEGATUR.
4	7 marg.....	inventores.....	inventores
13	29	Atsi.....	At si
18	9 marg.....	Simpliter.....	Simpliciter
23	15	leguntus	loguntus
36	37	Certu.....	Certus
39	30	qae.....	quac
Eod.	35	pertinct.....	pertinet
48	17	est, idem	est idem
53	27	idcm	idem
Eod.	37	nt.....	ut

Elenchus capitum logices.

PAG.
Cap. I. De logicae natura et constitutione.. 3
Cap. II. De natura intellectus humani..... 5
Cap. III. De veritate, eique opposito falso... 25
Cap. IV. De mediis veritatem inveniendi com- municandique cum aliis..... 40

B
H
C

462

00